

ZAPISNIK
SA XIX PROŠIRENE SJEDNICE UPRAVNOG ODBORA
UDRUŽENJA POSLODAVACA FBIH

koja je održana **dana 29.05.2019. godine (srijeda), sa početkom u 12:00 sati,**
u hotelu Tuzla (ZAVNOBIH-a 13) u Tuzli.

Sjednici su prisustvovali članovi Upravnog odbora UPFBiH: Adnan Smailbegović, Kemal Hrnjić, Nurdin Peštalić, Adisa Karahodžić i Kemal Čolak.

Sjednici su po ovlaštenju članova Upravnog odbora UPFBiH prisustvovali: Zoran Gazibarić (po ovlaštenju Suada Eće), Nihad Begić (po ovlaštenju Stjepana Kumrića), Adnan Bukva (po ovlaštenju Šejle Bojadžije), Adnan Đelić (po ovlaštenju Tomislava Sliškovića), Nedžad Siočić (po ovlaštenju Safudina Čengića), Samir Alić (po ovlaštenju Snježane Kopruner) i Rizah Begić (po ovlaštenju Krasnodar Darko Petrović).

Sjednici nisu prisustvovali članovi Upravnog odbora UPFBiH: Mario Čulina, Ramiz Grapkić, Sanel Kusturica, Ante Suton, Mario Raspudić, Vilim Primorac, Rusmir Hrvić, Nijaz skenderagić, Eldin Hadžiselimović

Ispred UP FBIH: Mladen Pandurević i Mersiha Jusić.

Sjednicu je otvorio predsjednik Upravnog odbora UP FBiH Adnan Smailbegović i predložio slijedeći:

DNEVNI RED

1. Usvajanje Zapisnika sa 18 sjednice Upravnog odbora UPFBiH;
2. Informacije o Inicijativi UPFBiH 20+5+6 i donošenje zaključka za naredne aktivnosti;
3. Razmatranje prednacrta Zakona o PDV-u;
4. Usvajanje Inicijative za donošenje Pravilnika o izmjenama i dopunama Pravilnika o obliku, sadržaju i načinu vođenja trgovačke knjige;
5. Donošenje Odluke o imenovanju predstavnika UPFBiH za člana Savjeta za praćenje cijena;
6. Donošenje Odluke o potpisivanju Sporazuma o saradnji i principima rada u okviru realizacije Projekta EU,, Studenstskom praksom brže do posla“;
7. Donošenje Odluke o pazajmici za opremanje novog prostora Grupacije poslodavaca Unsko sanskog kantona;
8. Razmatranje Zakona o izmjenama i dopunama Zakona o radu ;
9. Razmatranje i usvajanje Inicijative za izradu:
 - a) Zakona o multilateralnim kompenzacijama;
 - b) Zakona o outsourcingu;
10. Razmatranje UPFBiH prijedloga Zakon o fiskalnim sistemima;
11. Tekuća pitanja.

Dnevni red je usvojen jednoglasno.

RASPRAVLJANJE PO TAČKAMA DNEVNOG REDA

Tačka 1. Usvajanje zapisnika sa 18 proširene sjednice UO UP FBiH

Predsjednik je obavijestio članove UO UP FBiH da su dobili materijale za sve tačke dnevnog reda uključujući i Zapisnik i zamolio da se izjasne da li imaju primjedbi. Također je napomenuo da je zapisnik dostavljen odmah nakon održavanja sjednice svim članovima UO i da na pomenuti zapisnik nije bilo pismenih primjedbi.

A.D.1.: Zapisnik sa 18. proširene sjednice UO UP FBiH je jednoglasno usvojen.

Tačka 2. Informacije o Inicijativi UPFBiH 20+5+6 i donošenje zaključka za naredne aktivnosti;

Vezano za ovu tačku dnevnog reda predsjednik je upoznao prisutne sa aktivnostima koje se provode a u cilju usvajanja Inicijativa. U tom smislu obavijestio je prisutne da je održano nekoliko sastanaka sa premijerom Vlade FBiH, predsjednicima vladajućih stranaka, Klubovima poslanika u Predstavničkom domu i Domu naroda PFBiH, te da je i u narednom periodu planirano održavanje sastanaka sa svim akterima. Predjednik je prezentirao prijedloge zakona i inicijative koje su upućene Vladi i Parlamentu FBiH uz kratki osvrt na prijedloge UPFBiH po svim zakonima. Nakon prezentacije predjednik je otvorio raspravu.

U raspravi su učestvovali svi prisutni. Nakon diskusije doneseni su sljedeći zaključci:

A.D.2.1. Članovi Upravnog odbora su dali podršku aktivnostima koje se vode vezano za Inicijativu 20+5+6 uz napomenu da se prilikom lobiranja usvajanja inicijativa UPFBiH treba vršiti jak pritisak na predstavnike vlasti.

Tačka 3. Razmatranje prednacrta Zakona o PDV-u:

Vezano za ovu tačku dnevnog reda direktor Mladen Pandurević je istakao da je UPFBiH došlo do teksta prednacrta Zakona o PDV-u koje je pripremila UO UIO na koje udruženje treba dati svoje primjedbe.

Obzirom da tekst nije dostavljen ranije članovima UO nakon diskusije je donesen sljedeći:

A.D. 3.1. Zadužuje se stručna služba da odmah nakon sjednice dostavi članovima UO tekst prednacrta Zakona o PDV-u sa zahtjevom da dostave svoje primjedbe u roku od 10 dana.

A.D. 3.2. Zadužuje se stručna služba da, nakon što budu dostavljene primjedbe od strane svih članica UPFBiH, organizuje sastanak Pravnog i Ekonomskog Savjeta UPFBiH koji će na bazi pristiglih primjedbi pripremiti konačan tekst mišljenja UPFBiH na prednacrt Zakona o PDV-u.

Tačka 4. Usvajanje Inicijative za donošenje Pravilnika o izmjenama i dopunama Pravilnika o obliku, sadržaju i načinu vođenja trgovačke knjige

Vezano za ovu tačku dnevnog reda direktor je upoznao prisutne da su članice iz djelatnosti trgovine uputile inicijativu za izmjenu Pravilnika o izmjenama i dopunama Pravilnika o obliku, sadržaju i načinu vođenja trgovačke knjige sa zahtjevom da se kalkulacije štampaju samo na zahtjev nadležne inspekcije (ukoliko trgovac ima mogućnost elektronske izrade, evidencije i pohrane kalkulacija). Cilj predložene izmjene je ušteda troškova štampanja i ovjeravanja, ušteda papira, te ušteda prostora za arhiviranje kao i smanjenje administrativno tehničkih poslova.

Nakon rasprave donesen je sljedeći zaključak:

A.D. 4.1. UO je jednoglasno usvojio inicijativu. Zadužuje se stručna služba da poduzme sve aktivnosti vezano za upućivanje inicijative Ministarstvu trgovine FBiH.

Tačka 5. Donošenje Odluke o imenovanju predstavnika UPFBiH za člana Savjeta za praćenje cijena;

Vezano za ovu tačku dnevnog reda direktor Pandurević je upoznao prisutne da se Udruženju poslodavaca u FBiH obratilo Federalno ministarstvo trgovine sa zahtjevom za imenovanje predstavnika UPFBiH za člana Savjeta za praćenje cijena.

Na osnovu Zakona o kontroli cijena („Službene novine Federacije BiH“ br 02/95 i 70/08) utvrđena je obaveza osnivanja Savjeta za praćenje cijena. Članovi savjeta su predstavnici ministarstava nadležnih za trgovinu, energiju, poljoprivredu, prehrambenu industriju, predstavnici udruženja poslodavaca i sindikata te Udruženja potrošača.

Dosadašnju funkciju člana Savjeta ispred UPFBiH je obavljao Adel Hodžić, Klas d.d. Mandat Savjeta prema Rješenju o imenovanju Savjeta za praćenje cijena („Službene novine FBiH“ broj 68/14) je bio 4 godine. Obzirom da je mandat dosadašnjem članu Savjeta istekao ispred UPFBiH je potrebno imenovati novog člana Savjeta za praćenje cijena.

S tim u vezi za člana Savjeta predlaže se Sjepan Bago, sekretar Udruge poslodavaca Posušje. Imajući u vidu dugogodišnje iskustvo u radu poslodavačkih organizacija, te dosadašnje aktivnosti u radu UPFBiH, mišljenja su da će imenovani u potpunosti i na kvalitetan način zastupati interese poslodavaca UPFBiH.

Predsjednik je dao prijedlog na raspravu.

Obzirom da nije bilo novih prijedloga od strane UO donesen je sljedeći zaključak:

A.D. 5.1. Upravni odbor je jednoglasno donio odluku kojom se ispred UPFBiH, Stjepan Bago, sekretar Udruge poduzetnika Posušje imenuje za člana Savjeta za praćenje cijena. Zadužuje se imenovani da nakon svakog održanog sastanka Savjeta izvjesti Upravni odbor i direktora UPFBiH o zaključcima i aktivnostima na sastanku.

Tačka 6. Donošenje Odluke o potpisivanju Sporazuma o saradnji i principima rada u okviru realizacije Projekta EU, „Studentskom praksom brže do posla“;

Vezano za ovu tačku dnevnog reda direktor je upoznao prisutne da je potrebno donijeti Odluku o potpisivanju navedenog Sporazuma. Obzirom da Udruženje nema obaveza po pitanju Sporazuma predlaže se da se Sporazum potpiše.

Nakon diskusije donesen je sljedeći zaključak:

A.D. 6.1. Daje se podrška za potpisivanje Sporazuma o saradnji i principima rada u okviru realizacije projekta „Studentskom praksom brže do posla“ koji finansijski podržava Evropska unija.

A.D. 6.2. Ovlašćuje se Zlatan Dedić, pomoćnik direktora za finansije da u ime Udruženja poslodavaca FBiH potpiše Sporazum.

Tačka 7. Donošenje Odluke o pozajmici za opremanje novog prostora Grupacije poslodavaca Unsko sanskog kantona;

Vezano za ovu tačku dnevnog reda direktor je upoznao prisutne da je u fazi renoviranje i opremanje nove kancelarije UPFBiH u Bihaću, te da je potrebno odobriti pozajmicu u iznosu do 12.000,00 KM za opremanje novog prostora Grupacije poslodavaca Unsko sanskog kantona.

Nakon rasprave donesen je sljedeći zaključak:

A.D. 7.1. UO je jednoglasno usvojio Odluku kojom se odobrava pozajmica u iznosu do 12.000,00 KM za opremanje novog prostora Grupacije poslodavaca Unsko sanskog kantona. Pozajmica će se realizovati iz viška ostvarenih sredstava po osnovu prihoda nad rashodima, koja se prema Odluci Skupštine Udruženja poslodavaca akumulirana za kupovinu poslovnog prostora. Pozajmica će se vratiti iz naplate godišnje članarine članica Grupacije Unsko sanskog kantona.

A.D. 7.2. Ovlašćuje se direktor da po dostavljenim fakturama za utrošena sredstva, potreban iznos može uplatiti na žiro račun Grupacije poslodavaca Unsko-sanskog kantona.

Tačka 8. Razmatranje Zakona o izmjenama i dopunama Zakona o radu ;

Vezano za ovu tačku dnevnog reda direktor je istakao da ovakav prijedlog Ministarstva za rad i socijalnu politiku ne treba podržati. Udruženje poslodavaca u Federaciji BiH ne podržava izmjene Zakona o radu u predloženom obliku. Prema predloženom rješenju procenat od 30% potreban za dokazivanje reprezentativnosti strukovnog sindikata je veoma visok i takav procenat ne postoji nigdje u svijetu. Važno je napomenuti da u zemljama koje imaju najrazvijenije sindikalne organizacije nemaju tako visok ukupan stepen sindikalnog članstva. Stepenn članstva je u navedenim zemljama u odnosu na broj zaposlenih 10%. Neke zemlje kao što su Latvija i Francuska imaju čak i ispod 10% sindikalnog članstva. Prosječni nivo članstva u cijeloj Europskoj uniji u odnosu na broj zaposlenih u različitim državama članicama, iznosi 23%.

Također, činjenica da je u proceduri donošenje Zakona o reprezentativnosti sindikata i udruženja poslodavaca u FBiH, predstavlja argument više da je sasvim neopravdano pristupati izmjenama Zakona o radu, obzirom da je ovu materiju potrebno definisati Zakonom o reprezentativnosti. Shodno navedenom predlaže se da se ne usvajaju izmjene Zakona o radu, te da se hitno pristupi definisanju konačnog teksta Nacrta Zakona o reprezentativnosti sindikata i udruženja poslodavaca u FBiH. Navedenim Zakonom će se definisati i uslovi za reprezentativnost strukovnog sindikata, te na taj način otkloniti sve prepreke kod utvrđivanja reprezentativnosti.

Nakon diskusije donesen je sljedeći zaključak:

A.D. 8.1. UO je jednoglasno podržao prijedlog direktora Mladena Pandurevića. Zadužuje se stručna služba da mišljenje uputi Federalnom ministarstvu finansija.

Tačka 9. Razmatranje i usvajanje Inicijative za izradu:

a) Zakona o multilateralnim kompenzacijama;

b) Zakona o outsourcingu;

Vežano za ovu tačku dnevnog reda direktno je istakao da su Zakon o multilateralnim kompenzacijama i Zakon o outsourcingu zakoni koje također treba pripremiti u okviru Inicijative 20+5+6, te je predložio da UO podrži ovu inicijativu i formira radne grupe za izradu Zakona. Prijedlog je da se formiraju dvije radne grupe za izradu ova dva navedena Zakona. Istakao je da su prijedloge za članove radnih grupa već dobili u materijalima.

Predsjednik je otvorio raspravu i zamolio prisutne da daju svoje prijedloge.

Nakon diskusiji donesen je sljedeći zaključak:

A.D. 9.1. UO je jednoglasno usvojio Odluku kojom se za članove za izradu Zakona o multilateralnim kompenzacijama i cesijama imenuju Mersiha Jusić, sekretar UPFBiH, Husein Al-Baldawi, sekretar Grupacije poslodavaca ZE-DO kantona i jedan predstavnik FIA-a, kojeg imenuje FIA-a. Imenovani se zadužuju da u roku od 2 mjeseca od dana donošenja Odluke pripreme Zakon, te da nakon konsultacija sa Pravnim i Ekonomskim savjetom UPFBiH, tekst uputi UO na usvajanje.

A.D. 9.2. Upravni odbor je donio jednoglasno Odluku kojom se za članove Radne grupe imenuju Mersiha Jusić, Sekretar UPFBiH, Sanela Karić, Prevent GROUP, Selma Isabegović, Manprower Group, Feđa Dupovac, advokat, Selma Hadžović, HOLDINA d.d. i Mia Čivić, Holdina d.d. Zadužuje se Radna grupa da do kraja juna 2019. godine pripremi radnu verziju teksta Zakona o outsourcingu-ustupanju radnika, te da nakon konsultacija sa Pravnim savjetom UPFBiH tekst uputi Upravnom odboru na usvajanje.

Tačka 10. Razmatranje UPFBiH prijedloga Zakon o fiskalnim sistemima;

Direktor Pandurević je istakao da su članovi UO u materijalima dobili radnu verziju Zakona o fiskalnim sistemima koje je pripremio UPFBiH kojim se uvodi sistem fiskalizacije po uzoru na zemlje članice EU. Ukratko je izvjestio prisutne o predloženim rješenjima.

Predsjednik je otvorio raspravu po ovom pitanju. Nakon rasprave donešen je sljedeći zaključak:
A.D. 10.1. UO je jednoglasno podržao prijedlog teksta Zakona o fiskalnim sistemima koje je pripremio UPFBiH te dao saglasnost da se konačan tekst Zakona pripremi na bazi rješenaj iz teksta.

Tačka 11. Tekuća pitanja

Pod tekućim pitanjima nije bilo rasprave.

Sjednica se završila u 13:30 sati
Zapisnik sačinila: Mersiha Jusić

Predsjednik UO
Adnan Smailbegović